

di Maria Sale

A passos prios iscradiat

in dretos fitianos,

sa luna mia,

issogadora de nottes

cun giobos de lughe.

Hat leadu sa torrada

e tremet istremenende

a s'ala de sole inciupida,

sa luna mia incanida.

Tzocat gianna a disora,

s'accerat fuidita e si cuat,

no passat inziende afaìnu,

sa luna sempre in bighinu.

E bizat sa pidiga iscuta,

candela, in mesu sa nue,

isgantzighende s'intrada,

sa luna cun manu acabada.

L'hapo 'ida cari tunda,

codulende, intro su poju,


ispijendesi a s'abuju

cuncordadu a s'intrinada,

sa luna mia ingiogatzada.

Maria Sale

Carignos de 'entu



*Poesias in sardu logudoresu
e in italianu*


EDITRICE DEMOCRATICA SARDA

Traduzione a cura dell'autrice

SALE MARIA SALE, *Carignos de 'entu*, Editrice Democratica Sarda, Sassari 2014, pagg. 66-67.